

Proklamasyon ng Gobernador para sa Sakuna

SAPAGKAT, noong 9:36 ng umaga ng Agosto 10, 2022, isang malaking sunog ang sumiklab sa pasilidad ng Interco na nagresiklo ng metaltronics na matatagpuan sa 10 Fox Industrial Drive, sa Madison, Madison County, Illinois, humigit-kumulang dalawang milya sa hilaga ng linya ng St. Clair County; at

SAPAGKAT, ilang mga bumbero sa Metro East at St. Louis, gayundin ang Mutual Aid Box Alarm System (MABAS), ay nagtutulungan upang maapula ang limang-alarma na sunog, at ito ay inaasahang magpapatuloy hanggang 48 oras; at

SAPAGKAT, iniulat ng mga opisyal ng panahon na ang usok mula sa sunog ay nakita 5,000 talampakan sa himpapawid at milya-milya ang layo; at

SAPAGKAT, may isang tao ang nasugatan sa pasilidad ng Interco, at ang potensyal na mapanganib na usok at uling mula sa sunog ay nag-udyok sa mga lokal na opisyal sa Lungsod ng Madison na maglabas ng kahilingan na ang mga tao na nasa isang milya sa palibot ng pabrika ay manatili sa loob ng kani-kanilang bahay o gusali; at

SAPAGKAT, patuloy pa rin ang sitwasyon, at ipinahihiwatig ng ulat ng lagay ng panahon na inaasahang magaganap ang inversion ng temperatura simula sa bandang 10:00 ng gabi sa Agosto 10, na magpapalapit ng usok sa lupa at maaaring mangailangan ng karagdagang mga aktibidad sa pagtugon at mas malawakang kahilingan sa potensyal na libu-libong residente sa lugar na apektado ng inversion na manatili sa loob ng kani-kanilang bahay o gusali; at

SAPAGKAT, ang ulat ng lagay ng panahon ay nagpapahiwatig din ng ihip ng hangin lalung-lalo sa timog at timog-kanluran hanggang sa kalagitnaan ng araw sa Biyernes, Agosto 12, 2022, sa direksyon ng St. Clair County; at

SAPAGKAT, ayon sa mga ulat na natanggap ng Illinois Emergency Management Agency, nagamit na ang mga lokal na rekurso at kapabilidad, ang Madison County ay naglabas ng isang lokal na proklamasyon sa sakuna, at ang mga rekurso ng estado ay kinakailangan para matugunan at makabangon mula sa mga epekto ng sunog na ito; at

SAPAGKAT, ang mga pangyayaring ito ay naging sanhi ng paglitaw o banta ng malawakan o matinding pagkasira, pinsala, o pagkawala ng buhay o ari-arian na resulta ng sunog, at maituturing na isang sakuna sa ilalim ng Seksyon 4 ng Illinois Emergency Management Agency Act; at,

SAPAGKAT, patakaran ng Estado ng Illinois na magiging handa ang Estado sa pagtugon sa anumang mga sakuna at, samakatuwid, kinakailangan at angkop na magbahagi ng mga karagdagang rekurso ng Estado para matiyak na manatiling ligtas at panatag ang mga taga-Illinois; at,

SAPAGKAT, may legal na batayan ang mga kondisyong ito sa ilalim ng Seksyon 7 ng Illinois Emergency Management Agency Act para sa pagpapalabas ng isang proklamasyon ng sakuna; at

SAPAGKAT, nakasaad sa Konstitusyon ng Illinois, sa Artikulo V, Seksyon 8, na “taglay ng Gobernador ang pinakamataas na kapangyarihang tagapagpaganap, at pananagutan niya ang tapat na pagpapatupad ng mga batas,” at ipinahahayag, sa Preamble, na isang pangunahing layunin ng Konstitusyon ng Illinois ang “paglaan para sa kalusugan, kaligtasan, at kapakanan ng mga tao”;

DAHIL DITO, sa interes na matulungan ang mga mamamayan ng Illinois at ang mga lokal na pamahalaan na responsable sa pagtiyak ng pampublikong kalusugan at kaligtasan, ako, si JB Pritzker, Gobernador ng Estado ng Illinois, ay ipinahahayag ang sumusunod:

Seksyon 1: Alinsunod sa mga probisyon ng Seksyon 7 ng Illinois Emergency Management Agency Act, 20 ILCS 3305/7, pinatutunayan kong may sakuna sa Estado ng Illinois at partikular na idinedeklara ang Madison County at St. Clair County bilang mga lugar ng sakuna. Pinahihintulutan ng proklamasyon ang paggamit ng lahat ng kapangyarihang pang-emerhensiya alinsunod sa Seksyon 7 ng Illinois Emergency Management Agency Act, 20 ILCS 3305/7, kabilang ngunit hindi limitado sa mga partikular na kapangyarihang pang-emerhensiya na nakasaad sa ibaba.

Seksyon 2: Inaatasan ang Illinois Emergency Management Agency na paganahin ang State Emergency Operations Plan at isaayos ang mga rekurso ng Estado para matulungan ang mga lokal na pamahalaan sa mga operasyon sa pagtugon at pagbangon mula sa sakuna.

Seksyon 3: Para makatulong sa mga pagbili ng mga kinakailangan sa pagtugon sa emerhensiya at iba pang kapangyarihang pang-emerhensiya sa ilalim ng Illinois Emergency Management Agency Act, ang mga probisyon ng Illinois Procurement Code na sa anumang paraan ay pipigil, hahadlang o mag-aantala sa kinakailangang aksyon sa pagharap sa sakuna ay sinususpende hanggang hindi ito hinihingi ng pederal na batas. Kung kinakailangan, at alinsunod sa Seksyon 7(1) ng Illinois Emergency Management Agency Act, 20 ILCS 3305/7(1), ang Gobernador ay maaaring magsagawa ng angkop na ehekutibong aksyon na nagsusupinde sa mga karagdagang batas, kautusan, tuntunin, at regulasyon.

Seksyon 4: Alinsunod sa Seksyon 7(3) ng Illinois Emergency Management Agency Act, 20 ILCS 3305/7(3), pinagagana ng proklamasyong ito ang awtoridad ng Gobernador, kung kinakailangan, na ilipat ang direksyon, tauhan o tungkulin ng mga departamento at ahensiya ng Estado o mga yunit nito para maisagawa o mapadali ang mga programa sa pagtugon sa emerhensiya.

Seksyon 5: Ang lahat ng ahensiya ng Estado ay inaatasan ng makipagtulungan sa Gobernador, ibang mga ahensiya ng Estado at lokal na awtoridad sa pagbuo at pagpapatupad ng mga estratehiya at plano para sa pagtugon at pagbangon mula sa mga epekto ng kasalukuyang sakuna.

Seksyon 6: Mapapabilis ng proklamasyong ito ang kahilingan sa Pederal na tulong pangsakuna kung ipapahiwatig sa kompleto at komprehensibong pagtatasa ng pinsala na hindi kakayanin ng Estado at mga apektadong lokal na pamahalaan ang epektibong pagbangon.

Seksyon 7: Ang proklamasyong ito ay kaagad na ipatutupad at mananatiling may bisa sa loob ng 30 araw.

JB Pritzker
Gobernador (Governor)

Petsa: Agosto 10, 2022